

孝友志

父兄非立名之具只求吾心所安家庭為起化之源須根至性以出事不越夫日用尋常一念差而追之莫及道已叅於天地神鬼一言忽而救之無從誰非子弟豈忘祇恭亦有顯揚微窺意旨至於祈天代死撫弱分甘斯皆寸徑之肫誠敢冀千秋之俎豆然而要其始終可歌可泣徵斯品誼是訓是行所以發微闡幽默默視形聽聲之義讀書論

漢州志

卷二十七

孝友

世殷殷徐行後長之條志孝友

漢

姜 詩廣漢雜人事母至孝妻奉事尤篤母好飲

江水水去舍六七里妻泝流而汲不時還詩責

而遣之妻安鄰舍紡績市珍羞使鄰母以意自

達姑知之感悟舍後忽泉湧

即今孝泉也

每日出雙

鯉供母膳後赤眉經詩里弛兵而過口驚大孝

必觸鬼神時歲荒賊遺米肉詩受而埋之比落

二十二年 察孝廉顯宗詔曰大孝入朝諸

凡此皆平之由是皆拜為郎中詩尋除

江陽令卒於官所居治鄉人為立祠漢書此江陽係今宜

昌府歸州祠旁亦有泉出鯉

按孝泉今隸德陽縣德陽舊係漢雒縣之汎鄉唐

武德二年始析雒置德陽縣是德陽在漢尙未

有縣不得據孝泉而有之泉在漢舊隸雒不得

因今隸德陽而遂移雒以就泉也雒既改併入

漢州則漢時雒人如姜詩龐氏孟伯元自當收

入州志與漢書合而仍註明今隸德陽以別之

漢州志

卷二十七

孝友

二

二百九十九

又按漢書地理志廣漢郡德陽係今遂寧縣原

註云有閣道三十里者是今德陽無

孟伯元雒人嘗為父復讐華陽國志

五代

范文通父羲官西水縣令羲死文通居喪以孝聞

有盜發羲墓羣虎逐之時文通居墓側虎見之

弭耳而去廣政時賜束帛羊酒於其家十國春秋

宋

陳敏政雒人五世同居并以孝友聞乾道九年詔

明

王 安字永寧性至孝母有疾嘗割股以進永樂
初以太學生授刑部主事時督修太和殿營建
惟謹功成受重賞 舊志

宋繼祖字汝孝嘉靖癸丑進士授定海令志人才
敏倭寇入多方捍禦邑境用輯寇陷慈溪憲檄
委他官築城皆為貴家掣肘悉辭去擇委繼祖
工始就居家篤於養志事繼母克盡子道誨諸

漢州志

卷二十七

孝友

三

二百九

弟光祖與祖揚祖俱成名與祖有乞贈前母疏
邑人作孝友傳以褒之

何 節萬曆乙未進士官湖廣長沙太守惠政多
端備載楚名宦誌事繼母至孝言行不苟鄉里
推重卒祀鄉賢

章玉鉉明經以母老不仕母九十餘鉉年六十七
朝夕就養求悅母志時人比之老萊子

周之冕漢州諸生事親克盡不道門外無間言有

盧松林事繼母楊氏至孝母病封股和藥以進遂愈有司旌表

皇清

趙明遠字鑿先號冰臺事親下氣承顏一日父燦過江遇險明遠奔救越潭乃免厥後二親繼亡盡禮盡哀門人爲之廢蓼莪歲時祭祀必躬率子弟哭奠墓所兄弟痛癢相關情同分彘遂暹早喪所遺子女養育婚配一如已出隱居不仕築室清白江從遊甚多過廬咸軾焉年七十三

漢州志

卷二十七

孝友

四

二百九十一

無疾終

陳登榜父歿胞弟妹幼登榜撫育成立勉力婚嫁乾隆四年助修清江石橋子銳鈞鎮俱州庠

吳周彥字燦之少以神童稱動遵禮法年甫弱冠補弟子員食餼膠庠孝事雙親友愛二弟非公事不履公庭教生徒以力行爲先曰聖賢之道明善誠身而已晚年設立家廟春秋率兄弟子姪躬奠其中四方知名之士多出門下年七十二終於家生平著述詳家譜

朱 衣歲貢生甫七歲喪母育於祖母施氏漸長
端方厚重謹言慎行事祖母以孝聞曲體父訓
弱冠補弟子員食餼祖母歿葬祭如禮父死泣
血三年不茹酒葷絕跡城市子孫遵約束忠厚
自守

周世振增生父明政病篤刲股以進卒葬州北雲
版山負土成墳廬墓三載

侯 麟字漢奇年甫冠舉於鄉孝友性成母李氏
病篤躬親侍藥衣不解帶每夜焚香祈天願以

漢州志

卷二十七

孝友

五

二百九

身代後母卒竭哀盡誠葬祭如禮居喪三年不
茹葷酒

汪奇寧賦性孝友八歲喪父依叔撫養平居事母
竭力奉養遇疾病盡心醫藥與叔同居克盡姪
道雖斗粟尺布無敢自私年七十五歲既慰所
生又酬所養

黃曰萃恪守遺命誨弟子成名而祠中諸務各定
章程遇族鄰貧乏不能冠婚喪祭者周濟而曲
入於橋梁舟楫捐貲集會以成久遠見河水

冲塌古塚及貧乏者擇地而瘞之家供奉父母
眞容早夜整衣冠焚香喚兩聲而後三揖其治
家嚴肅內外大小雍雍和順百四十五人合室
共爨五世同堂誦讀者數十人九十餘卒其弟
曰英與姪上鼎等讓水田百餘畝爲曰萃人口
多也

曾 懋字勉之號鶴溪家貧力學補金堂博士弟
子員食餼辛卯舉於鄉懋與父病篤父厭飲藥
懋力疾捧藥進父喜飲時懋病宜服人參不忍

服再三奉父頃之並愈母賴氏逾八秩背負以
遊反哺以養二親歿哀毀骨立弟析產後多宿
逋懋獨任之讓產與耕復失火懋給薪米亟請
於族族亦助之嘗倡捐立祠請於族積子母錢
一曰濟貧會以給族不能婚葬及孤獨者一曰
書香會以勵族善讀書能文章者歲入脩金必
置羨及米以周不能卒歲者孝廉張某死無所
歸謀葬之卒年六十七

張鴈鵬家素貧父某稱言一卽以爲助修橋路費

鵬讀書時時淚漬卷帙客饋遺必攜以奉親補
博士弟子員食餼積脩脯租田以種諸弟姪皆
鵬料理融融如也後官寧朔令有惠政年八十
卒於官

王嘉稷橙子以議敘官湖南告歸家徒四壁性孝
友尤篤於庶母弟妹凡衣食婚嫁保護周至務
爲久計後一書應書列膠庠卽庶母弟也言之
欷歔泣下

孫道濟道潢因母趙氏染病醫藥不效濟潢先後

漢州志

卷二十七

孝友

七

二百八十一

割股和藥痊父文蔚復病濟潢亦先後割股如
前和藥亦痊

黃 亨輝斗同懷兄弟也母張氏哭夫失明亨以
舌餽日焚香祈祐輝斗割股進藥目復明亨構
學舍延名師課弟業成援廩貢入成均後輝斗
卒亨哭之痛越日亦殞生平攜提寒素多有流
涕者

黃文淵文楷因父榮富病危淵割股和藥以進愈
母張氏病屢發楷割股如前和藥亦愈

孫文芳善事母先意承志官平陽蒲門巡檢辦差所得

賞賜俱歸奉母告養歸里躬親服事朝夕不離

鄭翼鳳因父在時病重調劑罔效翼鳳祈大默祝割股和藥以進愈

侯基茂父暉病甚茂願身代割股和藥以進愈母郭氏病復如前割股亦愈

王調模事母孝先意承順常得歡心兄調桂年衰失業接養在家終其身奉事不懈於寒士有提

漢州志

卷二十七

孝友

八

二百二十一

攜者

溫光甲父文琇善病嫡母生母步履維艱甲奉事無倦容一切飲食湯藥悉躬進早逝遺姪三撫育成立

唐典謨父早卒遺兩弟典訓典誨俱幼謨撫立擇婚督率耕讀子四皆趨庭守詩禮教孫執中人州泮閣家藹然可風

張珩三家貧父疾藥親嘗然後進歿弟妹尚幼成立悉完其嫁娶他如族眷孤苦矧恤尤勤信

學無方償者焚其券

會道修貢生與兄道著同爨共計田產三百畝道
修以兄年老人多情願將田產分作二分自田
一百畝餘讓兄道著管業其他物俱做此

吳州志

卷二十七

孝友

九

六十四